



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Sanctae Memoriae Theophili ad Porphyrium Antiochiae episcopum.

urn:nbn:de:hbz:466:1-15324

dori, & Theodorei conscripta: sed vnumquisque habens tales codices, illos publice proferat, & in conspectu omnium igni tradat. Et nemo eos qui talem sectam colunt, vel illorum doctores, aut in ciuitate, aut in agro, aut in suburbano suscipiat, aut vna cum eis conueniat. Quod si quicumque tale aliquid perpetrauerit, publicatus perpetuo tradetur exilio: qui autem habet codices continentes abdicatam fidem Nestorii & Theodorei, vel illorum interpretationes, & allocutiones, & traditiones, eisdem subiicientur suppliciis, licet *lumen aliorum videantur, quæ ab illis composita sunt.

Et sancti vero Theophilus Alexandrinus, & Gregorius Nyssenus, suscepitis querimoniis aduersus Theodorum adhuc viuentem, & aduersus impia eius conscripta, scriperunt aduersus eum epistolas, quarum pars est.

S A N C T Æ M E M O R I Æ T H E O P H I L I
ad Porphyrium Antiochiae episcopum.

Quod enim non patieris illos qui occasione aduentonis saluatoris nostri Iesu Christi presumunt renouare Samosateni Pauli dementiam, manifestum est, quoniam & qui in Nicæa conuenerunt patres nostri, & istam sectam cum Arianorum prauitate anathematizauerunt, qui nec baptisma sequacium Pauli comprobauerunt, sicut scriptæ ab eis definitiones continent. Et ipse hic beatæ memorie episcopus Athanasius ultimam prædicti Pauli Samosateni impietatem condemnauit in tomo quem dictauit.

Et post alia.

Quoniam autem accusant quosdam, tamquam scribentes ea quæ pertinent ad renouationem sceleratae sectæ Pauli Samosateni a patribus condemnati, & propter hanc occasionem * commouendam porrexisse tuæ reuerentia affirmant, cuius exemplum literis ad me directis a tua reuerentia supposuisti, inspiciens tua bonitas vna cum conuenientibus religiosissimis episcopis ea quæ ab ipsis ostenduntur, (dicunt enim probationes habere se) si inuenerit scripta contraria apostolicis dogmatibus, dignetur apostolicum

ANNO CHRISTI
III. stolicum amplecti zelum aduersus talia innouantes. Iustum enim est, ea quæ impie scripta sunt, pie amputari, & nusquam inemendabiles permanere eos qui qualiacumque incaute per inscientiam & vanam gloriam scribere præsumperunt.

Porrecta autem sunt & ipsi sanctæ memorię Theophilo impia capitula ex codicibus Theodori.

SANCTI GREGORII AD THEOPHILVM.

Qvi Apollinarii dogmata defendunt, per querimoniam, quam aduersus nos faciunt, sua confirmare conantur, carnale Verbum, & Dominum sæculorum hominis filium, & mortalem Filii deitatem construentes. Proferunt enim quod aliqui quasi catholicæ ecclesiæ existentes, duos colunt filios in dogmate: vnum quidem secundum naturam, alterum autem secundum adoptionem postea acquisitam; nescio a quo talia audientes, & ad quam personam contendentes: nondum enim noui eum qui hæc subloquitur. Verumtamen quoniam hanc proponentes aduersus nos causam, per hoc quod videntur huic flagitioso negotio repugnare, suas opiniones corroborant, bonum est tuam in Christo perfectionem, secundum quod in mente tibi * iniiciat sanctus Spiritus, exscindere occasiones eorum qui querunt aduersus nos occasions, & persuadere eis qui ista calumnialiter adscribunt Dei ecclesiæ, quod est dogma tale in Christianis nullum, neque prædicatur.

EX HIS QVÆ THEODORITVS DEFENDENS

Theodorum, contra Cyrillum scripsit, per quæ testimonium præbet idem Theodoritus, quod Theodori sunt istæ impietates, contra quas sanctæ memorię Cy- rillus scripsit.

PO STEA interpretationem accusatořani psalmi, & inculcat hæc verba diuini Theodori: Consideremus igitur, quis est homo de quo stupescit & miratur quod Vnigenitus dignatus est eius memoriam & visitationem facere. Sed quod quidem non dictum est de omni homine, in superioribus demonstratum est: quod autem nec de uno quolibet, & hoc dictum est.

Concil. Tom. 12.

M